



Bwrdd Llywodraethu Chwaraeon a Phrentisiaethau Urdd Gobaith Cymru Cyfleoedd am Aelodau Bwrdd

Am yr Urdd:

Mae'r Urdd yn fudiad unigryw ac ers 1922, wedi cyflawni llawer wrth gynnig profiadau Chwaraeon, Celfyddydol, Preswyl, Dyngarol a Gwirfoddoli i fwy na 4 miliwn o blant a phobl ifanc yng Nghymru. Heddiw mae gan yr Urdd 55,000 o aelodau. Mae hyn wedi eu galluogi i gyfrannu'n gadarnhaol at eu cymunedau a chymdeithas, ymestyn eu gorwelion a chynyddu eu hunan hyder.

Mae'r Urdd wedi meithrin cenedlaethau o ferched a dynion ifanc i fod yn falch o'u gwlad, yn agored i'r byd ac yn ymgorfforiadau o'n hiaith a'n diwylliant, yn ogystal â meddu ar y gwerthoedd byd-eang y parchir yng Nghymru.

Ar drothwy ein canmlwyddiant, dyma ddatgan ein huchelgais heriol i ymestyn cyrhaeddiad ac effaith ein gwaith. Mae hyn yn allweddol os ydym am i'r Gymraeg fod yn ganolog ym mywydau plant a phobl ifanc Cymru, a sicrhau fod pawb yng Nghymru, boed yn siaradwyr Cymraeg ai pheidio, yn teimlo perchnogaeth ac ymdeimlad o berthyn tuag at yr iaith a'i thraddodiadau.

Yr Urdd Heddiw:

- 10,000 o wirfoddolwyr
- 308 o staff
- 100,000 yn cystadlu yng nghystadlaethau chwaraeon yr Urdd
- 47,000 yn mynychu'r gwrsylloedd
- 68,000 yn cystadlu yn Eisteddfodau'r Urdd
- 60% o holl ysgolion Cymru yn ymwneud â'r Urdd
- Cynhyrchu gwerth economaidd o £31m i Gymru
- £7m o fuddsoddiad cyfalaf yn y gwrsylloedd
- Llais ein pobl ifanc yw sylfaen ein mudiad
- Adran Prentisiaethau newydd
- Amserlen uchelgeisiol ar y gweill i ddathlu canmlwyddiant yr Urdd
- Bwriad i weithredu Strategaeth Ryngwladol



Bwrdd Llywodraethu'r adran Chwaraeon a Phrentisiaethau

Mae'r adran Chwaraeon a Phrentisiaethau yn darparu cyfleoedd ar draws Cymru i bob plentyn wirioni ar chwaraeon a gwaith leuenctid, a hynny drwy gynnal clybiau, cystadlaethau, hyfforddiant a gwyliau chwaraeon rhanbarthol a chenedlaethol.

Prif nodau'r adran yw:

1. Creu cyfleoedd i blant a phobl ifanc ym mhob ysgol cyfrwng Cymraeg ar draws Cymru i gael y cyfle i fynychu gweithgareddau a chlybiau chwaraeon yr Urdd tu allan i'r ysgol.
2. Bod yn brif ddarparwydd cystadlaethau chwaraeon cenedlaethol yn y Gymraeg ac yn ddwyieithog yng Nghymru.
3. Bod yn brif ddarparwydd prentisiaethau trwy gyfrwng Cymraeg i'r sectorau chwaraeon, awyr agored a gwaith leuenctid
4. Trwy gydweithio gyda Chwaraeon Anabledd Cymru bydd pob cystadleuaeth genedlaethol a chlwb chwaraeon yr Urdd yn gynhwysol i blant a phobl ifanc gydag anabledd. Bydd yr Urdd yn anelu at ennill y Marc Aur Chwaraeon Anabledd Cymru.

Wrth i'r adran tyfu a datblygu rydym yn awyddus i sefydlu Bwrdd Llywodraethu i ddarparu arbenigedd a chngor ar y cyd er mwyn llywio strategaeth yr adran a goruchwylio ei rheolaeth ai llywodraethiad.

Rydym yn chwilio am unigolion profiadol sy'n cael eu cyffroi gan waith a gweledigaeth yr Urdd ac sy'n rhannu ein gwerthoedd, sef i annog, datlu ac arloesi trwy gynnig gwasanaethau o ansawdd i ieuenctid Cymru trwy gyfrwng y Gymraeg.

Mae gennym ddi-ddordeb arbennig i glywed wrth ymgeiswyr sydd â sgiliau a phrofiad ar lefel strategol yn y meysydd canlynol:

1. Cydraddoldeb a chynhwysiant yn y sector chwaraeon
2. Cyflwyno digwyddiadau chwaraeon cenedlaethol
3. Nawdd
4. Grantiau a chyllid
5. Chwaraeon cymunedol
6. Cyfathrebu a Marchnata
7. Prentisiaethau
8. Y Sector Addysg

Am fwy o fanylion cysylltwch â Gary Lewis (Cyfarwyddwr Chwaraeon a Phrentisiaethau) ar 029 22405335 / 07976 003356 neu gary@urdd.org.

I fynegi diddordeb yn y cyfle cyffrous hwn, anfonwch ffurflen Mynegi Diddordeb trwy e-bost at swyddi@urdd.org erbyn **29 Chwefror 2020**.